

解脫道論卷第六

階七

阿羅漢優波底沙造

梁扶南三藏僧伽婆羅譯

行門品第八之三

問云何虛空一切入何修何相何味何處何

功德云何取其相答虛空而一切入有二種

有虛空離色有虛空不離色虛空入處相所謂離色虛空并空虛空相此謂不離色虛空

彼修此想心住不亂此謂修於虛空想放意爲相不離虛空想爲味作意無二爲處何功德者不共二功德於虛空入障礙處所不能礙若牆壁山等身行無礙自在無畏云何取其相者於虛空入取虛空相若作處若自然處舊坐禪人於自然處取相能於處處見或於孔穴或櫺窓間或樹枝間從彼常見隨樂

不樂即見彼分虛空相即起不如新坐禪人新坐禪人於作處取相不能於非作處彼坐禪人或於屋內或於屋外不障礙處作圓孔穴作虛空想以三行取相以等觀以方便以離亂於虛空一切入生四禪五禪餘如初廣

禪得自在堪任餘一切入能起第二禪如是

第二禪得自在能起第三禪第三禪得自在能起第四禪問於諸一切入云何最勝答四

色一切入是爲最勝成解脫故得除入故白

一切入勝作光明故心得自在於八一切入

說虛空一切
入已竟

問云何識一切入答曰識虛空此謂識一切入餘如初廣說十一切
入已竟

問於是一切入云何散句答若一相得自在一切餘相隨其作意若於一處一切入於初禪得自在堪任餘一切入能起第二禪如是第二禪得自在能起第三禪第三禪得自在能起第四禪問於諸一切入云何最勝答四色一切入是爲最勝成解脫故得除入故白一切入勝作光明故心得自在於八一切入

及於八定以入十六行安庠而起隨所樂處其所樂定隨意無障次第上次第下次第上下令一一增長或俱令增長或中少或分少或事少或分事少或分俱或事俱或分事俱隨其所樂處者或於村或於阿蘭若斯所樂處入於三昧如所樂者是其所樂禪入於

附七

二

禪定如其所樂時者隨意所樂時入於三昧或多時入正受次第上者於初禪入定次第乃至非非想處次第下者從初入非非想定次第乃至初禪次第上下者越於往還從初禪入第三禪從第三禪入第二禪從第二禪入第四禪如是乃至入非非想定令一一增長者以次第八第四禪或上或下俱令增長者入第四禪從此虛空入第三禪如是二種入定中少者已入初禪從此入非非想處從

此入第二禪從此入無所有處如是現入正受能辨虛空處分少者一禪於八一切入入定事少者於二一切入分俱者於二一切入入所謂二定及一切入分俱者於二一切入入二二禪事俱者於二二一切入入二禪分事俱者是此二句

散句
已竟

問云何增長相何修何相何味何處何功德云何取其相答增長相者滿一切處猶如鞴囊滿中臭穢死屍此謂脅張於脅張相以正智知此謂脅張想彼修此想心住不亂此謂

附七

三

修於脅張想相隨觀爲相厭脅張想爲味臭穢不淨作意爲處何功德者脅張想有九功德得念內身得無常想得死想多厭患伏姪欲斷色惱斷無病惱向善趣向醍醐云何取其想者新坐禪人現取脅張不淨想以無二

行以念不動不愚癡以諸根內入以心不出外以徃彼處是處不淨有諸死屍住於彼處離於逆風對不淨相不遠不近或倚或坐彼坐禪人若倚若坐近不淨處若石若土埵或樹或杌或藤爲作相作事思惟此石不淨此不淨相此石如是土埵等已爲作相已作事以十行脛脹不淨相從其自性修行當觀以色以男女形以方以處以分別以節以穴以坑以平地以平等觀於一切處以色者若黑以觀黑若不黑不白以觀不黑不白若白以觀白若臭皮觀以臭皮以形者若女形若男形隨觀若少若長若老隨觀者若長以長若短以短若肥以肥若小以小隨而觀之以方者於此方擲頭於此方擲手於此方以腳於此方以背於此方以腹於此方我所坐於此

方不淨相如是隨觀以光明處於此光明處是擲手處於此光明是擲腳處於此光明是擲頭處於此光明是我坐處於此光明是不淨相處以分別觀從頭至足從下至頭髮皮爲邊是一聚以分別觀觀以節者於二手六節於二脚六節體節項節此謂十四大節以肉者謂口或開或閉隨觀眼或開或閉隨觀手間脚間孔穴隨觀以坑以平等地者不淨相隨其處所或於空處或於地上是處隨觀復次我在空處不淨相地上或不淨相在下我於地上隨觀以一切處從我不取近遠若二尋三尋隨觀彼坐禪人如是一切正隨觀見彼相善哉善哉如是受持以善自安彼坐禪人已善取相已善受持已善自安一無一行以念不動心不愚癡諸根內入心不出

外去來道路若行若坐觀彼不淨心常受持無二行者何義爲得身寂寂令念不動者以不愚癡以諸根內入心不出外去來道路者何義爲得身寂寂離逆風者何義爲離臭氣坐不取遠近者何義若取遠不成除相若取近不成其狀不見其性以不見其性彼相不起是故不取遠不取近坐遍觀一切相者何義爲不愚癡名不愚癡若坐禪人入寂寂處見不淨相如在其前心起驚怖是故坐禪人若死屍起逐不起心思惟如是已知念正智受持已觀相遍是其遍相如是作意是名不愚癡問取十種行相何義答爲於心縛觀去來道路者何義爲起次第法名次第法者若坐禪人入寂寂處有時心亂以不常觀不起不淨相是故坐禪人攝一切心當觀去來道

路當觀於坐處當觀遍相當觀十種取相彼坐禪人如是數數現觀復更起相如以眼見此謂起次第法初坐禪人於此死屍成珍寶想如是歡喜心得受持心常修行滅於諸蓋禪分成起彼坐禪人已離欲已離不善法有覺有觀寂寂所成有喜樂入初禪定及脣脹相問何故以不淨行起於初禪非起餘禪答此行未作觀故此成縛處故常隨覺觀覺觀恒現其相得起非離覺觀其心得安是故初禪起非餘禪復說此不淨相色形等以不行思惟令起於行思惟者是覺觀事不能堪住離於覺觀爲思惟行是故唯初禪起非餘禪復說此不淨相不可耐事於不耐事不能舉心於不淨處心由喜樂故除覺觀方便以覺觀方便力是時修行由如臭屎是故唯初

禪起非餘禪問於不耐事云何起喜樂答不

耐事非因爲起喜樂復次善斷蓋熱故以修心自在故起喜樂行餘如初廣說

脾脰相已竟

問云何青瘀相何修何相何味何處何功德云何取其相答青瘀者或死一宿或二三宿成青瘀相如青所染色隨生此謂青瘀相彼青瘀是謂青相以正智知此謂青瘀相心住不亂此謂修受持青相爲相狀爲味作意不耐爲處等脣脹相功德修其相者如初廣說

青瘀相已竟

問云何潰爛相何修何相何味何處何功德云何取相答潰爛者或死二三宿潰爛膿出猶如灌酪身成潰爛此謂潰爛於潰爛相以正智知是謂潰爛相心住不亂此謂修受持潰爛爲相狀爲味作意不耐爲處等脣脹相

膏上

六

功德取相如初廣說

潰爛相可竟

問云何斬斫離散相何修何相何味何處何功德云何取其相答斬斫離散者或以刀劍斬斫身體離散復說所擲死屍此謂斬斫離散於斬斫離散是正智知此謂斬斫離散想心住不亂此謂修斬斫離散想爲狀相爲味作意不淨爲處等脣脹相功德問云何取其相答於兩耳二指作片片想作斬斫離散想如是取相於一二上取其空相餘如初廣說

斬斫離散相已竟

問云何食噉想何修何相何味何處何功德云何取相答食噉者或烏鵲鷗鴟鷺鷩鷙猪狗狐狼虎豹食噉死屍此謂食噉於彼食噉是相以正智知此謂食噉想心住不亂此謂修食噉想爲相狀爲味作意不淨爲處等脣

脹相功德餘如初廣說

食歎竟想

問云何棄擲想何修何相何味何處何功德

云何取其相答棄擲者於處處方散擲手足

此謂棄擲於棄擲想是正智知此謂棄擲想

心住不亂此謂修受持棄擲想爲想厭爲味

捨七

+

作意不淨爲處脰脹想等功德云何取其相

者一切身分聚在一處安諸分節相離二寸

安已作棄擲想取相餘如初廣說

棄擲想

問云何殺戮棄擲想何修何相何味何處何功德云何取其相答被殺棄擲者或以刀仗

或以弓箭於處處斬斫殺戮死屍此謂殺戮棄擲於殺戮棄擲是想是正智知此謂殺戮

棄擲想心住不亂此謂修受持殺戮棄擲想

爲相厭爲味作意不淨爲處等脰脹想功德

云何取其相者如初廣說

殺戮棄擲想已竟

問云何血塗染想何修何相何味何處何功德云何取其相答血塗染者或斬截手足形分出血塗身此謂血塗染於血塗染相是正智知此謂血塗染想心住不亂此謂修受持血塗染想爲相厭爲味作意不淨爲處等脰脹想功德云何取其相者如初廣說

血塗染想已竟

問云何蟲臭想何修何相何味何處何功德云何取其相答蟲臭者諸蟲生滿其身猶如白珠純是蟲聚此謂蟲臭於蟲臭想以正智知此謂蟲臭想心住不亂此謂修受持蟲臭

想爲相厭爲味作意不淨爲處等脰脹想功德云何取其相者如初廣說

蟲臭想已竟

問云何骨想何修何相何味何處何功德云

何取其相者謂鉤鎖相連或肉血筋脉所縛或無血肉但有筋繩或無肉血此謂骨

於此骨想以正智知此謂骨想心住不亂此謂修受持骨想爲相狀爲味作意不淨爲處等脣脹想功德云何取其相者如初廣說骨想已竟

問於不淨處云何散句答初坐禪人有重煩惱於不種類不應取相不種類者如男女身若不淨業人不淨相不應作意何故常觀事故不成狀於畜生身不起淨想以一骨起起相自在於骨聚亦復如是若不淨相以色起由一切入當觀若以空起以男當觀者以不淨起以不淨當觀問何故十不淨不多不少答身失有十種故復由十人故成十想欲人當修脣脹想色愛欲人當修青瘀想如淨欲人當修壞爛想餘亦可知復次不淨想不可得故一切不淨想欲對治故若欲行人是其

所得彼當取相是故說一切不淨爲十種不淨想問何故不令增長答若人樂狀欲令起自性身想何故若有自性身想於想速得狀彼分故已令增長不淨想是其身相得除已除自身想不速得狀是故不應令增長又說若得無欲爲修大心成令增長如阿毗曇說處離欲等初禪正受住脣脹及起無量事如大德擇狗文說偈

比丘佛家財

於怖畏林處

既已修骨想

普令滿此地

我知彼比丘

速當斷欲染

已竟

普

七

九

問云何念佛何修何相何味何處何功德云何修行答佛者世所尊自然無師於未聞法正覺正諦能知一切得力在此謂爲佛念佛世尊正遍知道菩提功德念隨念持念

不忘念根念力正念此謂念佛心住不亂此謂修令起佛功德爲相恭敬爲味增長信爲處若修行念佛成得十八功德信增長念增長慧增長恭敬增長功德增長多歡喜堪任苦行離於怖畏於受惡法得生慚愧常與師共住心樂佛地行向善趣最後醍醐如說修多羅涅底里句若人欲念佛其可恭敬如佛像處云何修行初坐禪人往寂寂處攝心不亂以不亂心念如來世尊應供正遍知明行足善逝世間解無上士調御丈夫天人師佛世尊於是彼者到一切功德彼岸世尊者得世稱譽故名世尊復得妙法故名世尊復得供養故名世尊得福具足故名世尊道法之主故名世尊以是因故得名世尊以彼因故受供養名阿羅漢殺煩惱怨名阿羅漢折生

死輪輻名阿羅漢正遍知者以一切行正知一切諸法名正遍覺復殺無明名正遍覺以獨覺無上菩提名正遍覺明行足者明者三明宿命智明斷殺過去無明以衆生生死智以宿命智明斷殺過去無明以衆生生死智明斷殺未來無明以漏盡智明斷殺現在無明已斷殺過去無明故以一切行一切過去法世尊應念即現已斷殺未來無明故以一切行一切未來法世尊應念即現已斷殺現在無明故以一切行一切現在法世尊應念即現行者戒定足真戒者謂一切善法處故普七言明行足者謂一切神通處故名明行足具者謂一切定於是世尊以一切智以三明以行得大慈悲以作世間饒益明得自在以知處故以起論道無人能勝滅諸煩惱以清淨

正行以明具足成世間眼現饒益不饒益故以行具足成世間依作救怖畏以明解脫於第一義已得通達以行成濟渡作世間義於一切事自然無師所行平等得無上寂寂以明行足世尊成就此謂明行具足善逝者到善路故名曰善逝不復更來到於醍醐界無爲涅槃故名善逝復說法不顛倒故名善逝復說法不僻故名善逝復說法無過患故名善逝復說法不多不少故名善逝世間解者世間有二種謂衆生世間行世間世尊以一切行知衆生世間以知衆生種種欲樂以根差別以宿命以天眼以從去來以和合以成就以種種可化以種種堪不堪以種種生以種種趣以種種地以種種業以種種煩惱以種種果報以種種善惡以種種縛解以如是

附七

十一

等行世尊悉知衆生世間復說行世間者世尊亦知以一切業亦知諸行以定相以隨其自相因緣善不善無記以種種陰以種種界以種種入以智明了以無常苦無我以生不生如是等行世尊悉知世間諸行此謂世間解無上者世無有上此謂無上復次無人與等復次最勝無比餘不能過故名無上調御丈夫者有三種人或聞法即悟或說因緣或說宿命世尊御八解脫道調伏衆生故名調御丈夫天人師者世尊能度天人從生老死怖畏園林故名天人師復次教誡見思惟道名天人師如是以此門以此行當念如來復次如本師說以四種行修念世尊本昔因緣以起自身以得勝法以作世間饒益從初所願乃至最後生於此中間久遠之時二十阿

僧祇劫一百千億觀凡夫根念根所初慈哀
世間我已得脫當令彼脫我已得調當令彼
調我已得安當令彼安我已入涅槃當令彼
得入涅槃施戒出忍諦受持慈捨精進智慧
皆令滿足爲得菩提世尊爲菩薩時說本生
因緣作免子身常行布施當念可護生戒摩
訶瞿頻陀生當念出離生忍辱生當念忍普
明生當念實語當念亞奢生當念受持當念
帝釋慈悲當念毛豎捨當念商主正真當念
麋生當念長壽生遂父語當念六牙白象恭
敬仙人當念白馬生往羅刹國度諸衆生當
念鹿生護彼壽命捨自壽命當念猴生今得
解脫所屬大苦復次當念猴生見人落坑以
慈心拔出設樹根果以爲供養彼人樂肉以
破我頭以慈悲說法語其善道如是以衆願

門當念世尊本生功德云何當念世尊自拔
身功德世尊有如是等本生具足爲年少時
斷一切居止著斷兒婦父母親友著以捨難
捨獨往空閑無所有處欲求無爲泥洹寂滅
於摩伽陀國渡尼連禪河坐菩提樹降伏魔
王及諸鬼兵於初夜時自憶宿命於中夜分
修得天眼於後夜中知苦斷集得證醍醐界
修行八正道分作證漏盡得菩提覺從於世
間拔出自身住第一清淨漏盡之地如是以
衆行門當念世尊自拔身功德云何當念世
尊得勝法功德如是世尊有解脫心解脫以
如來十力以十四佛智慧以十八佛法已與
不一禪法成就到自在彼岸當念云何世尊
成就十力如來知是處非處如實而知如來
知過去未來現在善業因緣以戒以因若果

報等如實而知如來知至一切處具足如實而知如來知不以一戒種種戒世間如實而知如來知衆生種種欲樂如實而知如來知衆生種種諸根如實而知如來知禪解脫定正受有煩惱無煩惱如實而知如來知宿命如實而知如來知衆生生死如實而知如來知漏盡如實而知以此十力世尊成就云何世尊成就十四佛智慧謂苦智集智滅智道智義辯智法辯智辭辯智樂說辯智諸根智衆生欲樂煩惱使智雙變智大慈悲定智一切智不障礙智以此十四智世尊成就云何世尊成就十八法於過去佛智不障礙未來佛智不障礙現在佛智不障礙未來佛智遍起身業隨於佛智遍起口業隨於佛智遍起意業以此六法世尊成就欲無退精進無退

念無退定無退慧無退解脫無退以此十二法世尊成就無可疑事無誣師事無不分明無有急事無隱覆處無不觀捨無可疑事者無有威儀爲於狡猾誣師事者無急速威儀無不分明者以知無不觸無急事者無威儀以急事無隱覆者心行無有非不憶智無不觀捨者無有不知捨以此十八佛法世尊成就復次世尊以四無畏以四念處以四正勤以四如意足以五根以五力以六神通以七菩提分以八聖道分以八除入以八解脫以九次第定以十聖居止以十漏盡力以餘不一善法世尊成就到自在彼岸如是以此門以此行當念世尊得勝法功德云何當念世尊作饒益世間功德世尊成就一切行到一切功德彼岸爲慈悲衆生所轉法輪世間所

不能轉以密護無內外開醍醐門已作無量天人於沙門果無量衆生得功德分能令功德具足以三種變身變說變教變令世間信已伏邪見諸相呪師已覆惡道已開善趣已徃天上得解脫果已安聲聞住聲聞法已制諸戒已說波羅提木叉已得勝利養得佛勝

普七

十四

法已得自在遍滿世間一切衆生恭敬尊重乃至天人皆悉聞知安住不動慈悲世間饒益世間所作世尊已作以此門此行當念世尊已作世間饒益功德彼坐禪人以此門此行以此功德現念如來其心成信以信自在以念自在心常不亂若心不亂滅蓋禪分起內行禪成住問何故念佛起內行非安答佛功德者於第一義深智行處第一義事於深智行處心不得安以細微故復次當念不一

念佛竟

功德若坐禪人憶念不一功德心種種緣作意共起心成不安是相爲一切內行處問若念不一功德心既不一內行禪不當成若專一心內行禪成住答若念如來功德及念佛成一心是故無過復說以念佛四禪亦起

問云何念法何修何相何味何處云何修行答法者謂泥洹及修行至泥洹云何泥洹滅一切行出離一切煩惱滅愛無染寂滅此謂泥洹云何修行至泥洹謂四念處四正勤四如意足五根五力七覺支八正道分此謂修行至泥洹念法出離功德乘功德彼念隨念正念此謂念法彼心住不亂此謂修起功德法爲相擇法爲味解義爲處念佛功德等云何修者初坐禪人入寂寂坐攝一切心以不

普七

十五

亂心念法者善說世尊法現證無時節來見乘無時節來見乘相應智慧人現證可知善說世尊法者離兩邊故名爲善說不異故名爲善說不謬故三種善故名善說滿清淨故名善說令現泥洹及修行至泥洹故名善說

現證者次第得道果故名現證作證泥洹及道果故爲現證無時節者不異時得果故名現證來見者汝來我處見我善法性堪教他是名來見乘相應者若人受降伏成入醍醐界名爲乘相應向沙門果名乘相應智慧人現證可知者若人受降伏不受他教起於滅智無生智解脫智是名智慧現證以餘行當念法者是眼是智是安樂是醍醐乘門是出離是方便是至滅是至醍醐無有墮落是醍醐無爲寂寂微妙非相師所行是妙智人所

知濟渡彼岸是歸依處彼坐禪人以此門以此行以此功德現念於法其心成信由其信念心住不亂以不亂心滅於諸蓋禪分得起外行禪成住餘如初廣說竟念法

問云何念僧何相何味何處何功德云何爲

修答僧者聖人和合此謂爲僧現念僧修行功德彼念隨念正念此謂念僧彼念住不亂此謂修令起僧功德爲相心恭敬爲味歡喜和合功德爲處念佛功德等云何修者初坐禪人入寂寂坐攝一切心不亂心念想善能

修行世尊沙門衆隨從軟善世尊沙門衆隨從如法世尊聖衆隨從和合世尊聖衆所謂四雙八輩世尊沙門衆堪可恭敬供養堪可合掌無上世間福田於是善修行世尊沙門眾者隨從善說法故名修行隨從爲自他饒

益故名修行隨從至已具足故名修行隨從無怨具足故名修行隨從離二邊中具足故名修行隨從離幼詭故名軟善離身口邪曲惡故名軟善隨從如者八正聖道彼隨從故名如隨從復次如者謂泥洹爲隨從得泥洹故如修行世尊所說四聖諦隨從如智故名如修行隨從和合者隨從沙門和合具足故名隨從和合若如是隨從作和合事成大果大功德如是隨從故名隨從和合四雙八輩舍道及住其果故爲一雙住阿那含道及住其果故爲一雙住阿羅漢道及住其果故爲一雙此謂四雙者彼住道及道果故名四雙八輩者四向四果此謂八輩沙門者從聞成就故名沙門僧者聖和合衆可請可供養可

施可恭敬無上世間福田可請者堪受請名爲可請可供養者於衆施成大果堪受供養可施者若於衆施得大果報名可施可恭敬者堪受恭敬事名可恭敬無上者最多功德故名無上世間福田者是衆生功德處故多世間福田以餘行當念衆生是勝衆真實衆是名醍醐戒具足定具足慧具足解脫具足解脫知見具足彼坐禪人以此門以此行以現念衆功德如是現念衆功德其心成信由於信念心成不亂以不亂心能滅諸蓋禪分得起外禪成住餘如初廣說竟

問云何念戒何修何相何味何處何功德云何修行答以功德念清淨戒彼念隨念正念此謂念戒念戒住不亂此謂修令起戒功德爲相見過患怖爲味歡喜無過樂是處若人

修行念戒成得十三功德成尊重師重法重僧重戒學重供養重不放逸於細微過患常見憂怖護自身亦護他從此世怖畏解脫彼世怖畏解脫多歡喜可愛一切戒功德是念成功德云何修行者初坐禪人入寂寂坐攝一切心不亂心念自身戒無偏無穿無點無垢無雜自在智慧所歎無所觸令起定若無偏是無穿若無穿是不點如是一切可知復次若滿清淨戒是善法住處故名不偏不穿作性稱譽故名無點無垢以斷愛故名爲自在聖所樂故無有過患智慧所歎離戒盜故名無所觸成不退處故令起定以餘行當念戒名戒者是樂無過患是性可貴以財物自在如先所說戒功德如是廣說可知彼坐禪人以此門以此行以此功德現念戒由信念

皆七

十八

心不亂以不亂心滅於諸蓋禪分成起外行禪成住餘如初廣說念成

竟

問云何念施何修何相何味何處何功德云何爲修答施者爲利他故樂饒益他爲他人得捨自財物此謂施以念施功德現念捨彼念隨念正念此謂念施彼念住不亂此謂修令起施功德爲相不畜爲味不慳爲處若人修行念施成得十功德如是施隨樂無慳無貪意爲多人念善取他意於衆不畏多歡喜慈悲心向善趣向醍醐云何修行者初坐禪人入寂寂坐攝一切心不亂心自念施以所捨物我有利我善得利世人爲慳垢所牽我住無慳垢心手常施與常樂行施常供給常分布彼坐禪人以此門以此行以此功德現念施彼心威信由信由念故心常不亂以不

亂心滅於諸蓋禪分成起外行禪成住餘如初廣說

念施已竟

問云何念天何修何相何味何處何功德云何修行答依生天功德念自身功德彼念隨念正念此謂念天彼念住不亂此謂修令起自身功德天功德等爲相於功德愛敬爲味信功德果爲處若人修行念天成得八功德如是彼人五法增長所謂信戒聞施慧成天人所念愛敬於說功德果報大歡喜踊躍自重其身及夫人所貴念戒念施以入其內向

善趣向醍醐云何修行者初坐禪人入寂寂坐攝一切心以不亂心念天有四王天有十三天有炎摩天有兜率天有化樂天有他化自在天有梵身天有天常生以信成就諸天從此生彼我復如是有信如是戒如是聞

如是施如是慧成就彼諸天從此生彼我復如是有慧當念其身當念諸天信戒聞施慧彼坐禪人以此門以此行以功德現念天彼心成信以由信由念心成不亂以不亂心滅於諸蓋禪分成起外行禪成住問何故念天功德不念人功德餘如初廣說

念天已竟

解脫道論卷第六

音釋

櫛盧經切蘚蒲拜切吹脣脹脣匹經切藤
又草蔓也 滌直灸切 痘依倨切 血
潰瘍也 脫胡對切 膿奴冬脣四絳切 僨芳辟切
烏下切 不奢居僵切 瞑神羽切 潟曼悲狡
能言也 古外切 狩校也